



UNIVERSITÄTS-  
BIBLIOTHEK  
PADERBORN

## **Variorum In Europa Itinerum Deliciae**

**Chyträus, Nathan**

**[Herborn], 1599**

**VD16 C 2803**

Anconitana. In Anconam Jul. Cæs. Scaliger.

---

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)



## ANCONITANA.

IN ANCONAM JUL. CÆS.

SCALIGER.

**D***Evictrix pelagi tutis anfractibus Ancon  
Ostentat placidi commoda rara sinus.  
Nimirum Dea, qua voluit capere urbis honores,  
Lenia sic voluit reddere scepra maris.*

## INSCRIPTIONES.

IN PALATIO GUBERNATORIS.

*Sint procul insidia, fraudes, discordia, bellum.  
Hac honor & virtus cum Jove carpit iter.*

ITEM.

*Alma fides, proceres, vestram qua condidit urbem,  
Gaudeo in hoc sociam vivere posse loco.*

IN PORTU

ARCUS TRAJANI.

Imp. Cæs. Divi Nervæ F. Nervæ Trajano opt. Aug. Germanico, Dacico, Pontif. Max. Trib. Pot. xviii. Imp. xi. Cos. vi. PP. providentiss. Principi, S. P. Q. R. quod accessum Italiæ, hoc etiam addito ex pecunia sua, portum tutiorem navigantibus reddiderit.

MARMOR DACICUM

TRAJANI.

Providentia Aug. verè Pontificis, virtus Romana quid non domet? sub jugum ecce rapitur & Danubius.

MANILII MARULLI TUMULUS.

Manilio Marullo patria Constantinop. vetustiss. Marullorum genere nato, qui ex D. D. Gordianis Marullis Rom. Imp. originem ducunt, omnibus virtutibus honestisq; moribus prædito: à Turcis fortunis ampliss. spolia-

N iij

to, patriaq; eieeto: summis magistratibus, legationibusq;  
variis, terra mariq; laboribus, vita denique Idibus No-  
vembr. Anconi defuneto, Philippus, Theodorusque filii  
parenti pientiff. qui vixit annos LXXXV. pos. An. sal.  
M. CCCCC.

## A L I U D.

*Flens primùm has auras hausit puer omine diro,  
Flebilis erepta vita fuit patria.  
Nunc quoq; flens morior, ne quid non flebile restet:  
Hac est humani conditio generis.*

EUPHROSYNES TARCHANIOTÆ,  
Man. Marulli uxoris.

*Quanam hoc in tumulto tegitur matrona? venustam  
Ille pudicitiam dixerat, hac eadem est.  
Quod genus? Inachidi. generis fortuna? beata.  
Sed cecidit patria deficiente sua.  
Quis torus? unus. & hic felix sine lite, Marulli.  
An mater? sero pignore fecit avum.  
Qua vita? in tenebris. qua causa indigna doloris?  
Occasus patria, seruitiumq; grave.  
Ecquem cum patria luxit? fratremq; patremq;  
Sed quas felices diceret esse animas.  
Felices nimirum anima, sed & hac quoq; felix  
Fœmina tam vari pectoris in tenebris.*

PHILIPPI MARULLI MANILII  
patris.

*Siste hospes, atq; hac verba, si placet, lege.  
Neq; enim rogamus nisi lubentem quempiam.  
Ego Philippus hic Marullus contegor.  
Posuit superstes filius Manilius,  
Uxorq; Thoma. hoc satis, cetera alii.  
De Marullo ulterius proloqui nefas.*

MICHAELIS TARCHANIOTÆ  
Euphrosynes patris.

*Parce hospes, cineresq; pios ne lade profanus,  
Si nescis, castis hac loca sola patent.*

Nec

*Nec te privata morveat quod claudor in urna,  
 Ha quoque fortuna non mea cura fuit.  
 Longe, hospes, longe tamen erras, si mea credis  
 Nomina in exiguo tota reposita solo;  
 Quaque, tot ob patriam pugnando vulnera passus,  
 In cineres mecum versa abiisse leves.  
 Atque, utinam ob patriam tantum, nec dicerer hospes  
 Cum patria et natis oppetiisse tribus.  
 Quos ego suprema comites hortatus in hora,  
 Vincere dum nequeo, pro patria perii.*

## T V M V L V S

MICHAELIS TARCHANIOTÆ MARULLI,  
 EUPHROSYNES TARCHANIOTÆ ET MA-  
 NILII MARULLI F. Philosopho & Poë-  
 tæ præstantissimo.

*Dum floruit magni decus Byzantii  
 Marullus, alti lucidam Jovis domum,  
 Laudesque, factaque, omnium extulit Deum.  
 Visa suorum cade, patria ignibus,  
 Leto parentum, fortis exilium tulit,  
 Sacris operatus Muscis; fluvio perit,  
 Aliis dolendus, ipse que præviderat,  
 Æternitatis templa, non miser, colit.  
 Plectro et decorus aureo, et tota gravis,  
 Grajam facit cantu superare Pierin.*

PAULI TARCHANIOTÆ EUPHROSYNES  
 fratri, Marulli avunculo.

*Quod procul Inachiis tegeris carissime ab oris,  
 Desine de fato Tarchaniota queri.  
 Una eadem terra est, quam cernis, abique, locorum,  
 Nec minus Elysium hinc, aut minus inde via est.  
 Nam nobis mandata satisque, superque, dedisti,  
 Tot rerum invictus pondere et exilii.*

ANTE TEMPLUM CORPORIS  
 Christi.

Hic est cibus, qui plenè reficit non corpus, sed animam;

non ventrem, sed mentem. Si quis ex hoc comederit,  
vivet in æternum. Christi Dei Opt. Max. Eucharistiæ ho-  
nori Collegium hoc templum dicavit M. D. LVI.

IN HOSPITIO MERCATORUM.

*Hic cives complector, opum quos cura fatigat.*

IN S. CYRIACI.

*Solus in obscuris degens Hieronymus antris,*

*Hic recubo montis accola Cimmerii.*

*Vnde mare & terras tenebrosasq; aëra circum,*

*Et video cœlum, quod colo, sydereum.*



## PISAURENSIA.

IN PISAURUM JUL. CÆS.

SCALIGER.

**H**ic Roma fulsit primùm spes ultima vita:  
Unde loco atq; urbi nomina ducta canunt.  
Dum Gallus Romana actis imitatur avitis  
Arma, premens arma Romula victor adest.  
Postquam è sollicita posuit discrimina mente:  
Torpuit occulto dextra soluta metu.  
Ah quid agis soboles priscorum in victa deorum?  
Rerum, non auri summa petenda tibi est.

IN PALATIO FRAN-  
CISCI FRONTINI.

Consule antè opus.

Necede malis.

Nemo sibi nascitur.

Quod adest boni consule.

Delibera tardè.

Patientia finit opus.

Omnia potest exercitatio.

Vigilias lenit quies.

Regium